

საქართველოს მათერასი

იუმორისგ.
ჟურნალი

№ 31



ინსტრუქციული სიყრდობა თელავის ბულვარში.

თფილისი, 31 ივლისი 1916 წ.

სიცხე და მოღატაკ
განვითარება.

ერთის შეხედვით იფიქრებს კაცი: რა კავშირი უნდა იყოს სიცხესა და მოღატაკების განვითარება-

თა შორისო, და მართლაც ყველა ვერ დაინახავს ამ კავშირს. ალბათ ამ ერთგვარი სიბრძავეით და ქარ-

თველი ინტელიგენციის გერგილობით აიხსნება ის მიუტევებელი გულგრილობა, რომლითაც აღნიშნულ საკითხს ჩვენ, ყველაფერში უაღლოო ქართველები ვეპყრობით.

რაზე გინდათ, რომ ქართულ გაზეთებში არა სწერდენ. უბრალო არჩევნებზე, პარტიულ განხე-

თქილებაზე, შიმშილზე, კოოპერაციასა და ეკლესიაზე, შავ ქვასა და ცხელ ნაცარზე, მაგრამ ისეთ კარდინალურ საკითხზე, როგორიც არის „სიცხე და მოდათა გავნითარება“ ჯერ არავის კრინტი არ დაუძრავს.

ჩვენ მეტი დუმილი აღარ შეგვიძლია, გაჩუმება სამშობლოს დაღატი იქნება. მაშ გზა მშვიდობისა! ყველა ასტრონომები ერთხმად ამტკიცებენ და ძველს კარაბადინებშიაც სწერია, რომ მაისის თვიდან მოწყებული, ვიდრე აგვისტოს ზოლომდე მხეს მეტი ძალა აქვს და სიცხეს აყენებს. უენიშნულია ისიც, რომ ამ ხნის განმავლობაში დილით უფრო ცხელა, ვიდრე ღამით და ჩვენის აზრით ესეც მზის გავლენას უნდა მიეწეროს.

„მზე როს ციდან იყურება
სხივებს ის არ იშურება,
ხალხნი ვოფლით იყურება,
და საშინლათ იწყურება“-ო.

სწერდა ჩვენი სათაყვანებელი მგოსანი სოლომონ ზურგიელიძე ჟურნალ „სვინტრის“ მე 5 ნომერში.

ამ პატარა ტაეპში მთელი ფილოსოფიაა ჩანერგილი მგოსნის მადლიანი ხელით. სიცხეში მართლაც ოფლით „ვიყურებით“ და საშინელი წყურვილიც გვახრჩობს.

„და სიცხისა მოსაკლავათ
თფილსა ვიძრობთ სამოსლებსა
ხან ბადებში ვწევართ ხოლმე
ხან პადვლებს და ხან ბოსლებსა“.

განაგრძნობს იმავ ლექსში სიამაყე ქართული პოეზისა და მით ფარდას ხდის ჩვენი მუსაიფის საგანს.

იდეალი ტანთ-სამოსისა, რომლის მიღწევად მიიღტვის თანამედროვე ქალობრიობა, გამოიხატება ამ სიტყვებით:

— ტანთ გემოსო და არა სჩანდეს იგი!

რასაკვირელია ჩვენ სახეში გვაქვს ტანთ საფარავი და მართლაც დიაცთა მოდგმა და მოდათა ავტორნი ყოველი სწრაფით მიისწრაფიან იმ მხრივ, რომ მათი სამოსი არა ჰფარავდეს გარშე თვალთაგან რაიცა იყოს ქვეშე მისთა.

ზამთრობით ეგ შესაძლებელი იქნებოდა, თუკი მოცხებრხებით მეცნიერებს უშუეულოობის ფართლელობათ გამოყენება, მაგრამ ეს ჯერ მიღწეული არ არის. სამაგიეროთ ზაფხულობით ქალებს შეუძლიათ სრულიად განიტიტვლონ პერიფერიები, ანუ განაპირა უბნები სხეულისა და ბაზარზე გაიტანონ ისინი.

„უშმაკის მათრახის“ № 30 პირველ გვერდზე მოთავსებული იყო კარიკატურა ო. ი. შლინგისა, რომელიც ჩინებულ ილიუსტრაციას წარმოადგენს ამ წერილისათვის. მაგრამ ეს ხარისხი სამოსთა განძარცვისა ჯერ მხოლოდ შინაობაში მოხდა, მას არ მოუპოვებია მოქალაქეობრივი უფლება. საჯარო ადგილებზე კი მათ მხოლოდ წვივები, (ვიდრე მუხლის თვალამდე) მკლავები (ვიდრე კიმიმას დასაწყისამდე და მკერდი (ვიდრე „კატის უბნამდე“*) აქვთ ტიტველი.

რაღა თქმა უნდა, რაც მეტი სიცხე იქნება, დაფარული სივრცეც იკლებს და მოვა ისეთი ბედნიერი დრო, როცა საკმარისი იქნები მხოლოდ ერთი ვაზის ფოთოლი, თუკი იმ დრომდე მილდიუმ მეტი ძილა არ მოიკრება, შაბიამანი უფრო არ გაძვირდა და ვაზს საკმაო ფოთოლი შერჩა.



სახუმარო რვეულიდან.

1.

მგოსანი რახუნაფვილი.

ჩვენში ზოგიერთები აკვანში იწყებენ ლექსების წერას. პარნასის გავლენა ისე ძლიერია, რომ ნიჭიერ ბავშვებს სწრაფად მონახევენებს „აღუს“-თვის რითმას, მაგალითად „თაღუს“, „ტაღუს“, და ერთ მშვენიერ დღეს, პატარაც ლექსით ალაპარაკდება. მაგრამ ეს სრულებით არ ითქმის მგოსან რახუნაფვილზე, რომელიც დღეს საქართველოში ცნობილ მგოსანთაა მიჩნეული. დიდი ხნის განმავლობაში ეწეოდა მას პარნასიდან „კამანდროკვაში“ წამოსული მუზა, მაგრამ ვერ იქნა და ვერ დააკვესინა ლექსი, სანამ ოცდახუთმეტი წლის არ გახდა. მაგრამ არც იმას ვიტყვი, რომ მუხის ცდას უბრალოთ ჩაევლოს და ლექსების წერამდე რახუნაფვილს კალამი არ ეფხაქუნებოდა.

იგრძნო თუ არა მან მუხის პირველი შეხება, მაშინვე მოჰკიდა საწერ-კალამს ხელი და ქალაღიცი შესაფერისად დასვარა. გავიდა კიდევ ცოტა ხანი და

*) ეგ სახელი „ცისფერ ყანწებიდან“ არის ნაწარმოები.

რახუნაშვილის კორესპონდენციებიც დაიბეჭდა გაზეთებში. ამ დღიდან მოკიდებული რახუნაშვილი უერთგულესი თანამშრომელი გახდა პრესისა. რომელი სოფელი გინდათ, რომ მას არ აეწეროს, საიდან არ მოუთავსებია მას კორესპონდენცია! უდიდესი ღირსება რახუნაშვილის კორესპონდენციებისა ის იყო, რომ ყველა მათგანი ერთმანეთს ჰგავდა, ერთ გეგმაზე იყო გამოქრილი: სოფლის გეოგრაფიული მდებარეობა, გლეხების სიღარიბე, დრამის ფულზე გამწარებული მღვდელი, „ადგილობრივ ინტელიგენტურ ძალებს“ უსაქმობა და კარტის თამაში,—აი რის გარშემო ტრიალებდა ყველგან და ყოველთვის რახუნაშვილის ფანტაზია. ასე რომ მის კორესპონდენციას სოფელ „ქალაბოურის“ მაგიერ რომ სოფელი „პატრიკეთი“ დაქმეოდა, ან კიდევ სოფელი „კანტუათი“, სრულებით არას დაკარგავდა, ვინაიდან ყველა სოფელს ერთნაირათ მიუღდებოდა. ეს კი ცოტას არ ნიშნავს.

საინტერესოა აღვნიშნოთ, რომ რახუნაშვილი ყოველ კორესპონდენციას რედაქტორის სახელზე თან ატანდა ამგვარ წერილს: „დიდით პატივცემულო რედაქტორო! გიგზავნით ფრიად საინტერესო წერილს, ფაქტი სრული ჭეშმარიტებაა, თუ ვინმე შემომედავება, სისხლის წვეთამდე დავიცავ ჩემს აზრს, ამიტომ, თუ ცენზურული პირობები არ შეგიშლისთ ხელს, გთხოვთ დაბეჭდოთ, მარა უცვლელათ კი. თუ წერილი არ დაიბეჭდება, გთხოვთ მიზეზი მაცნობოთ და წერილიც დამიბრუნოთ (შავი არ შემინახავს), რისთვისაც გიგზავნით საფოსტო მარკას. კორესპონდენციას მოეწეროს სრულიად და უცვლელათ ჩვენი სახელი და გვარი: **თეიმურაზ რახუნაშვილი**“.

რახუნაშვილის წერილი ბევრჯერ წაფრიალებულა თავდაყირა სარედაქციო გოდრისკენ, მაგრამ ავტორს ამის შესახებ არცერთი სასამძიმრო წერილი არ მოსვლია რედაქციისაგან, ასე რომ მარკებსაც თქვენი ქირი მიჰქონდათ, თუნდაც უნდა ვიფიქროთ, რომ არა სარედაქციო გოდრისკენ.

ასეთ ყოფაში შეუსრულდა რახუნაშვილის 35 წელი; ეს იყო განვლილი მოძრაობის განვლვის დასაწყისში როცა სალიტერატურო ასპარეზზე მერანი მერანზე გამოაქენეს ჩვენმა ახალგაზრდა მგოსნებმა. მოსწრებული კაცები ამბობენ, რომ პოეზიით გატაცება ისე ძლიერი იყო იმ დროში, რომ მთელი საქართველო სამხარეულოშიაც კი ლექ-

სებით ლაპარაკობდა. რა გასაკვირია, რომ ასეთ ატმოსფეროში რახუნაშვილსაც ენა ამოეღო და გართობებით ელაპარაკა. და ერთ მშვენიერ დღეს, წაჰკრა თუ არა ჩვეულებრივთ მუხამ ხელი, ხელათ წასქდა რახუნაშვილს პირიდან შემდეგი რითმები: ია, ბია, ტყვია, ღლია; აია, ბაია, მია, კაია.

— ბიქოს, ეს რა ადვილი საქმე ყოფილაო,— წამოიძახა თეიმურაზმა და წამსვე შეუდგა კაღმით ქალღლის გაშავებას. არ გასულა ერთი კვირა და რახუნაშვილის ლექსიც დაიბეჭდა. პირველს მეორე მოჰყვა, მეორეს მესამე და საქმე გაიჩარხა. რომ იცოდეთ რამდენი სიცილი იყო ამ ლექსების გამოქართულ რედაქციებში, მაგრამ რახუნაშვილის ლექსები მაინც იბეჭდებოდა, ქართველი საზოგადოება მაინც სტკბებოდა მისი პოეზიით. რახუნაშვილსაც ეს უნდოდა, ის ნათლათ ამჩნევდა, თუ როგორ თანდათან იწევდა მისი სახელი და დიდება და ლექსების წერასაც უმატა, დღეში უკანასკნელს სამოთხს ლექსს დასწერდა.

— კაცო, რა დრო დამიკარგავს, რა დრო, ამ ოხერი კორესპონდენციების ჯღაბნაში!—ამბობდა ღიმილით და განაგრძობდა წერას.

ამ დროს ერთმა „უმუშევარმა სტუდენტმა“, რომელიც დღე და ღამე სარდაფებში იყო და ამასთანავე წ. კ. საზოგადოების სტიპენდიასაც იღებდა, კრიტიკოსობა დაიწყო და რახუნაშვილის შემოქმედებას რამდენიმე ქათინაური უძღვნა. ეს სრულიად საკმარისი იყო ქართველი საზოგადოებისათვის, რომ რახუნაშვილი შოთას გვერდით დაესვათ. რახუნაშვილმაც, რასაკვირველია, შეიფერა ეს საპატიო ადგილი და მედგრათ შეუდგა საკუთარი პოეზიის გავრცელებას და პოპულიარიზაციას. არცერთ ლიტერატურულ საღამოს, რომელიც ასე ხშირათ იმართება ჩვენში, რახუნაშვილი არ დაჰკლებია, არ დაბეჭდილა ერთი ქართული აფიშაც კი, რომელზედაც მგოსანი რახუნაშვილი არ ყოფილიყოს გამოქმული. სადაც უნდა გამართულიყო საღამო, გინდ ქიზიყში, გინდ აქარაში, გინდ გურია-სამეგრელოში, ან კიდევ ქართლ-კახეთში, რახუნაშვილი ყველგან საკუთარს ხარჯით მიმოდოდა და კითხულობდა თავის ლექსებს.

ამასთანავე გაზეთებში რეცენზიას თითონ ათავსებდა თავის თავზე, ანდა მანამ არ მოეშვებოდა „ადგილობრივ კორესპონდენტს“, რომელთა რიცხვი ლეგიონია, სანამ რეცენზიას არ დააწერინებდა. წყ-

რილი, რასაკვირველია, რახუნაშვილის ქებით უნდა დასრულებულიყო: ჩვენმა სასიქადულო ახალგაზრდა მგოსანმა*) საზოგადოება დაატკბო და სხვა.

რახუნაშვილი ხშირათ ასეთ საშიშ ცნობებსაც კი აწვდიდა გაზეთებს თავის შესახებ: „მგოსანი რახუნაშვილი გუშინ ათ საათზე საშიშ ავად გახდა, ექიმების აზრით მდგომარეობა სერიოზულია. მნახველებს სთხოვენ ავანტიურა ნუ შეაწუხებენ“; მესამე დღეს გულ-აძვრებული საქართველო უფრო სანუგეშო ამბავს ამოიკითხავდა გაზეთში: „მგოსანი რახუნაშვილი თავს მშვენიერათ გრძნობს და ამ დღეებში კიდევ გაივლისა“. ამას გარდა სხვაგვარ ცნობებსაც აწვდიდა თავის შესახებ რახუნაშვილი ჩვენს გაზეთებს, მაგ.: „მგოსანმა რახუნაშვილმა რკინის გზის სადგურზე დაჰკარგა უკანასკნელი თავისი ნაწარმოები „ყვავილთა შორის“, მნახველმა დაუბრუნოს ავტორს, აღრესი ყველამ იცით“; „მგოსან რახუნაშვილს გადაწყვეტილი აქვს ესა თუ ისა“ და სხვა. თეიმურაზი ყველგან სიტყვა „მგოსანსა“ ხმარობს. ეს იმიტომ რომ რახუნაშვილის აზრით სიტყვა „პოეტი“ რაღაც გაცვეთილი და მოძველებულია, „მგოსანი“ კი უფრო ღრმა აზროვანი და მეტის შარავანდელით მოცული.

ასე შეიქმნა რახუნაშვილი ცნობილ მგოსნათ საქართველოში. როგორია მისი ლექსების თვისება? ტყუილი ცდა იქნება თუ დაიწყებთ იმის მტკიცებას, რომ რახუნაშვილის ლექსები მისი კორესპონდენტებისაგან განირჩევაო: იგივე აზრთა სიმარტივე, ფერადების უქონლობა, სიღარიბე, მღვდელი, დიაკვანი, მამასახლისი, სახნისი, კავი და სხვა. აი რის გარშემო ტრიალებს რახუნაშვილის პოეზია, მისი ლექსი გინდ წალმიდან წაიკითხე და გინდა უკუღმიდან, გინდა ქვევიდან, გინდა ზევიდან, აზრი ყოველთვის ერთნაირი იქნება, არც ფორმა და არც შინაარსი არაფერს არ დაკარგავს, პირიქით, შეიძლება კიდევ მოიგოს.

ამ ორიოდვე წლის უკან ჩვენმა კრიტიკოსებმა „ვინ ხარ მამაცი“-თ ავვიკლეს: ვიღუპებით ხალხი, ჩვენს პოეტებს სათანადო განათლება არა აქვთ და ამიტომ აზრიანი ვერაფერი დაგვიწერესო. ეს შეგებოდა რახუნაშვილსაც, რომელიც ხშირათ იმ

აზრისაც იყო, რომ უბრალო ხალხისთვის დღევანდელ წესწყობილებაში რაც მე ვიცი იმაზე მეტი ცოდნა რა საჭიროაო. ხშირათ იტყოდა ხოლმე მგოსანი, მაგრამ ახლა აზრი იცვალა: „ხმა ღვთისა და ხმა ერისა“ ხომ იცით. და შეუდგა თვითგანვითარებას. როგორც პოეტი, დაეძალა პოეზიას, ლექსებს, ბელეტრისტიკას კი სიახლოვესაც არ იკარგდა—რა ჩემი საქმეა პროზაო. მაგრამ ერთ ბედნიერ დღეს რაღაც მანქანებით გოგოლის „Старосвятские помѣшники“ ნახა და კითხვასაც შეუდგა. ჩაიკითხა ბოლომდის, მაგრამ არაფრად ექაშნიკა, „თუ ამის დამწერი კაცი დიდებული მწერალია, დაქცეულა ქვეყანა და ის არისო სთქვა. და ის იყო შორს უნდა გადავდო მოთხრობა, რომ რაღაც ზეშთაგონისებური მოველინა მას. მოაგონდა ათანასე ნიკიფოროვიჩი და ნესვები და სახე გაუბრწყინდა. ხომ გახსოვთ როგორ იქცეოდა გოგოლის ეს გმირი ნესვების მიმართ: მიირთმევდა თუ არა რომელიმე მათგანს, მაშინვე მოაგროვებდა მის თესლებს, გაახვევდა ქალაღში და ზედ დაწერდა: „ნესვი ესე შექმულ არს ამა და ამ დღეს და ამა და ამ წელსო“, შემდეგ ასეთი ეპიტაფიისა ნესვის თესლს თაროზე ჩამოდებდა და წლიდან წლამდე ინახავდა. აი ეს მოეწონა მგოსან რახუნაშვილს მთელ ნაწარმოებში.

— ბიქოს, ეს ძალიან აზრია,—წამოიძახა მან, —მართლაც კი შეძლება წიგნების კითხვას კაცის განვითარება, აი მე რო ლექსებს ვბეჭდავ, რაზე არ ვაწერ ქვევით თუ როდის დავსწერე! ათანასე ნიკიფოროვიჩი ნესვებს ექცეოდა ასე გულმტკიცეულად და პოეზიის ნაპერწკლები არ უნდა დავაფსო! აი შენ ჩემო თავო!

ამის შემდეგ არ დაბეჭდილა არც ერთი ლექსი რახუნაშვილისა, რომელსაც ქვევით არ წერებოდა, თუ სად დაიწერა, როდის და რა დროს. ამას კატეგორიულათ მოითხოვდა იგი რედაქციისაგან, იმ საბუთით, რომ ეს „აუცილებელათ საჭირო იქნება მომავალი თაობისათვის“ და „შრომას გაუადვილებს ჩემი შემოქმედების მკვლევარსო“. რედაქციებიც ეთანხმებოდნენ რახუნაშვილს და ყოველ ლექსის ქვევით მიუბეჭდავდნენ ხოლმე: „ს. ოფეშქეთი, 18 მარტი, 19.. წ.“, ან კიდევ „ქ. ესა დესო და სხვა.

აი რა შესძინა თვითგანვითარების დაწაფებან თეიმურაზ რახუნაშვილს, რომელმაც იგრძნო რა საკმაო განვითარება, დღეს წიგნებს მარტო თარო


*) ლაპარაკია არა ხნოვანობაზე, არამედ რახუნაშვილის არსებაში ლექსის დაწყებაზე.

ზე სდებს თავების საკითხავათ. პირველ ხანებში კი თვითგანვითარების წყურვილმა საშინლათ გაიტაცა და ვისაც კი შეხვდებოდა, ეუბნებოდა: „კაცო, რა ყოფილა ეს წიგნების კითხვა, ასე მგონია რაღაც შემოდის ძარღვებში და მილიტინებს, მაფრთოვანებს, მახალგაზრდებსა“.

ამ ეპოქაში რახუნაშვილის სული და გული მუზიანათ მიჯაჭვულია ერთ აზრზე. სახელდობრ თავის ნაწერების გამოცემაზე. მაგრამ უნდა ვსთქვათ, რომ ბევრი რამ ელოდება წინ ჩვენს სასიკაძულო მგოსანს. პირველ ყოვლისა კი ის, რომ ვერ გადაუწყვეტია კორესპონდენციების ბედი. არ იცის პირველ ტომათ გაუშვას, თუ მეორეთ, თუმცა საქმე საბოლოოთ არაა გადაწყვეტილი, მაგრამ ერთი პროექტი ასეთია: პირველ ტომათ გამოვიდეს კორესპონდენციები, რომელსაც უნდა დაერთოს მგოსნის სურათი და ჩვენი კრიტიკოსების წერილები, მეორე ტომათ კი ლექსები და ავტორის ავტობიოგრაფიასთან ერთად მისი მშობლების სურათებიც, აგრეთვე კრიტიკული წერილები წინასიტყვაობის სახით. თუ რომელ ტომს რომელიმე კრიტიკოსმა უნდა დაუწეროს კრიტიკული შექება, ეს ამ სტრიქონების დამწერმა კარგად იცის, მაგრამ ტაქტიკურის მოსაზრებით ჯერ-ჯერობით არ ამხელს, ხოლო ამას კი ამბობს, რომ პირველი ტომის ესტეტიურათ გამჩვევ შემქმებ კრიტიკოსთა შორის უთუოდ იქნებიან ალ. წერეთელი და გიორგი ჭუმბურიძე, თუ, რასაკვირველია, რახუნაშვილი თავის თავს ფედერალისტათ აშკარათ გამოაცხადებს.

ეუსურვით რახუნაშვილს აქაც სრული გამარჯვება და კითხვისაგან მოვისვენოთ.

ვ. მალაქიაშვილი.



კატარა ფელეტონი

ბელფონთან.

- ძინ, ძინ, ძინ!
- ვინ არის ტელეფონთან?
- მე ვარ თედორე. თქვენ?
- მე სამსონი ვარ. ვინ გინდა?

- არჩილი მოვიდეს კოტახანს ტელეფონთან.
- არჩილს არ ცალია, მეთაურს სწერს.
- აუცილებელი საქმე მაქვს, მოიცალოს კოტახანს...

— ეჰ, აღარ მოასვენებ ადამიანს!.. ვეტყვი, დაიცადე..

— ძინ, ძინ, ძინ!

— არჩილი ხარ?

— ჰო, მე ვარ, რა გინდა, კაცო?

— ვიცი გავგებარდება და იმიტომ მოვაცდინე: ორი მუშა (ყოფილი დასელნი) კიდევ შემოგვემატა ჩვენი—ეროვნული რწმენა შეუთვისებიათ!..

— მართლა?! ემატოს, ემატოს ჩვენს... მაგრამ მაგისტრის როგორ მომაცდინე? საუცხოვო მეთაურს ესწერდი და მადა დამეკარგა...

— რაზე სწერ სახვალის მეთაურს?

— სიძვირეზე, გაქვირებაზე...

— ეჰ, კიდევ თქვენებურათ მოქმედებთ, კაბინეტურათ!.. კაცო, რა გამოვა მაგების წერთ? სანამ ჩვენში სომხები იქნებიან ვაქრებათ მანამ სიძვირე რამდენიც უნდა ესწეროთ—არ მოისპობა, არა... არ იცით, რომ სომხის ხალხს საზოგადოთ და ვაქრებს განსაკუთრებით მხოლოდ ფული უყვართ!..

— როგორ იქნება, ხომ ხედავ ქალაქში უწესობა მოხდა...

— ჰმ, უწესობა, მაგასაც თავისი ღრმა ეკონომიური მიზეზი აქვს... მაგ ტემაზე მე ვფიქრობ ამ დღეებში დიდ, მეცნიერულ და სტატისტიკით დასაბუთებულ შრომის დაწერას. მოდი ისევ ეროვნულ თემაზე დასწერეთ რამე... დეე, ბარემ ერთბაშათ იგრავინონ დასელმა მუშებმა და ჩვენკენ გადმოვიდნენ... არჩილ! რომ იცოდე როგორ იმარჯვებს ჩვენი მრწამსი... მე ხომ ვხედა პრაქტიკულ მუშაობას ვეწევი და ჩემს აღტაცებას ზოგჯერ საზღვარი არა აქვს: აშკარათ ვხედავ მუშები როგორ ეთიშებიან დასელებს და „ზვირთს“ ეკედლებიან!.. მაგრამ ბევრი, ძალიან ბევრი ჯარი ყავთ დასელებს და ასე კოტ-კოტა თუ გადმოვიდა, — ეს პროცესი დიდხანს გაგრძელდება. ამიტომ საქირაა ჩვენც მოუხშიროთ წერას განსაკუთრებით მუშებზე... სიძვირეზე სხვა, ბურჟუაზიულმა ვაზეთმა წეროს. რა მუშების, პროლეტარიატის სადაო საკითხი ეგ არის მაინც-დამაინც...

„კველი“ და „ახალი“

როგორ იქნება, როგორ იქნება! დავეცინებენ... „დარბაისელ გაზეთს“ უწოდებენ ჩვენ გამოცემას, დიდი ავტორიტეტი აქვს ქართველ საზოგადოებაში და რაც ამ ქამათ მას აღეველებს, მაზე უნდა გამოვთქვათ ჩვენი აზრი. წარმოიდგინეთ, „თან. აზრი“-ც კი ყურადღებას აქცევს ამ კითხვას და ყოველ დღე წერილებს უძღვნის... ჩვენ? მარტო დასელებზე ვიმსჯელოთ?! გარდა ამისა, „ზევითი“, ხომ თავისუფალია, მოდექი და... სულ ბღღვირი აადინე!.. მოუსვენარი კიდევ ხომ ვერ მოისვენებს, უთუოთ მოგაწვდის რასმე ამ ნაწარმისთვის. გამაგრდი, არ მოგაკლდება მასალები!..

— მე, ძმაო არჩილ, თუნდა ათი ნომრის მასალას ერთ დღეს დავამზადებ, გაქირვებით, მადლობა ღმერთს, ჯერ არ გამქირვებია, მაგრამ „ზევითი“ მარტო არ კმარა, საჭიროა „სახალხოც“ მუშათა საკითხებს მეტ ყურადღებას აქცევდეს. დააკვირდი საქმეს: „საქართველოც“ კი სოციალისტობს ხან-დინ ხან და მუშათა კითხვებზე საუბრობს!.. ჩვენ უფრო ნათესაური კავშირი გვაერთებს სოციალიზმთან ვინემ მათ. „საქართველოს“ თავადებსა და „კუპცებს“.

— არა, ძმაო თედორე! მე მაგ განყენებულ მსჯელობაზე ვერ დაგეთანხმები სავესებით... ნათესაობა ჩვენ უფრო „საქართველოელებთან“ გვაქს, ვინემ დასელებთა, ხოლო სოციალიზმთან-კი სრულებით არაფერი!..

— ამ შემთხვევაში მე პროგრამაზე მივითითებთ!..

— პროგრამაზე მივითითებთ?!


— დიახ, პროგრამაზე, სადაც სოც. ფედ. ნათლათ და გარკვევით აქვთ აღნუსხული სოციალიზმის გზა და მიზანი.

— ჰოო, იმ პროგრამაზე ამბობთ? იქ დიახაც არის აღნიშნული, მხოლოდ აღნიშნული.. მაგრამ ამაზე შემდეგ ვისაუბროთ. ეხლა-კი ისევ ჩემი მეთაურის წერა უნდა განვაგრძო... ნახვამდის.

— ნახვამდის.

— ძინ, ძინ, ძინ!..

ალბურონი.



„სახალხო ფურცელიც“ სწერდა...

(მარტო ბუზებს არ იჭერდა...)

...რომ „პოლორომი“

თფილისისო,

სამიდან—ხუთ

ივლისისო,

არ ეხება

„ძველ“ თფილისისო

და „ახლისგან“

ივლის ისო...

ვისაც ესხან თვალნი მზეგად,

(ვინც არ სდევდის ბუზთ საჭერად!)

ის ნახავდა

ძველ თფილისელთ

ხავერდები

რო ეპყრა ხელთ.

რომ მხეველნი

ჩიხტა-კობით,

(სახელ ქმნილნი

მაქანკლობით!)

„პოლოროს“ ტკბილათ

ნაგუებნი

მაულ დანაჩაგუებნი

მილიოდენ

არხენათ

(თითქოს ფულით

შაეძინათ!)

და თუ მართლაც

„დედა-თფილის“

ან სამსა, ან

ხუთსა ივლისს

თავი განზე

დაექირა

და ქართველი

ტურფა ცირა

(მორცხვი როგორც

„მხეს უმზირა!|“)

ბედს სხვებში

არ ჩაეჩხირა,

და ნაძარცვით

დანატვირთნი

მოზარდთა და

ხნოვანთ ზვირთნი

ქუჩებს ზღვად არ მოსდებოდა,
არც „პოლრომი“ მოხდებოდა!

(ძარცვას ხელი
თუ ვინ მიჰყო
იქ გარჩევა აღარ იყო!)
და ვინც ნახავს
„განაჩენებს“
ძველ თფილისელთ,
მკვიდრსა ჩვენებს,
მუნ ბევრს ჰპოებს
მონახსენებს...
(იქნებ ქართულს
ვერ მიმიხვდით?
მოკრძალებით
ვამბობ დიდიო!)
მაშ მო, ვნახოთ
„პროტოკოლნი“,
სად თფილისელ
მკვიდრთა ცოლნი
იქნებიან ნახსენები
ამ „პოლრომთა“
დამშვენები.

და თუ ჩვენ არ
ვცდებით... მგონი
ძველის-ძველი
დაბა ხონი
სავაჭროთა
დიდთა მქონი
და სკოლათა
ჩემპიონი,

გახდა მსხვერპლი დედა-კაცთა
(ძარცვა-გლეჯა არც მას ასტია!)

თქვენ გექნებათ
განაგონი,
რომ, არა თუ
მარტო ხონი
გახდა მსხვერპლი
„ტრადედიის“,
და ამბავი
სამტრედიის
ყველამ იცით
უეჭველათ,

თუმცა სამტრედია ძველათ

არც კი ჰღირდა ხსენებადა,
ის ბოლო დროს დაგვებადა!


მე კაცი ვარ
ერთობ ჩუმი,
თორემ განა
ეგ სოხუმი
ზღვის პირათ რომ
გაქიმულა,
გაუცარცველ დარჩა სულა?
ან ეს ჩვენი
„ოდელია“
ბანძა დიდი
სოფელია
(სადაც „ნახევარი ქურდობს“,
„ნახევარიც მთხრობელია“)
ხომ „ძველ“ ოდიშს
დაამშვენებს
და ბინა აქვთ
მარტო ჩვენებს?

ესთქვით „ძველ თფილისს“
ვაშა! ვაშა!
ეგ სუჯუნა?
ეგ აბაშა?
აღარ ვიცი
რომელი ვთქო,
დედა-კაცი
(განგებ თითქო!)

არ არჩევნ „ძველს“ ახალში
და „პოლრომთა“
ტრფობის აღში
ეწრთობიან
იხრაკვიან,
„ჩვენებსე“ ესჯით
ერთობ გვიან.

ეზმაკი.





„განცხრომის მოედანი“ თელავში.

კურორტი თელავი

წერილი მ. მ. მ.

ამ ხანად, ცხოვრება ავარაკ თელავისა სდულს და გადმოსდულს. მე თქვენ გითხრათ აკლდეს რამე შემთხვევით, ან განზრახ აქ ამოსულს! მარტო ქალაქის თვალი, სააგარაკო ბულვარი, რათა ღირს. იშვიათია საზღვარ გარედაც, არა თუ რუსეთში, ასეთი ხელოვნებით და გემოვნებით გაშენებული ბაღი. აკაციები და იფნის ხეები მედგრათ სდარაჯობენ, დაღვრემილ ციხის კედლებთან ერთათ, აქ მოსიარულე საზოგადოებას და მზის მხურვალე სხივთა გან იფარავენ მათ.

ვის გინდათ აქ არ შეხვდეთ. ისეთი ერთსულოვნება, თანხმობა და წმინდა პატრიარქალური მამაშვილური განწყობილება, როგორც აქ სუფევს, ძნელათ თუ სადმე მოიპოვება. ამას ნათლად დაინახავთ, როცა დახედავთ ჟურნალის პირველ გვერდზე მოთავსებულ სურათს. (იხილეთ სურათი 7. გვერდი 1).

მაგრამ თქვენ არ იფიქროთ, თითქო მარტო ამ ელემენტური ბულვარით ისაზღვრებოდეს ადგილობრივ „მამათა“ მზრუნველობა მოგაგარაკეთადმი. არა, ამავე მიზნისთვის ქალაქს გამოყოფილი აქვს უწარჩინებულესი მდელი „ნადიკვარი“, რომელსაც მოაგარაკენი „განცხრომის მოედანს“ ეძახიან. ელექტრონის თვალთა მომქრელი სინათლე, საუცხოვო სკამები, ყვავილნარები, შადრევანები და სხვა ამგვარი მოწყობილობანი ამკობენ, ნადიკვრის ბუნებრივ სიმშვენიერესა და სიმდიდრეს. უმანკო ქალაქთა გულუბრყვილო, ანგელოზისებური თამაში ატაბობს პირველ მნახველთა გულსა და სულს. ეგრეთ წოდებული „ფლიორტისა“, ანუ ჩვენებური „არშიკობის“ შესახებ აქ წარმოდგენაც არა აქვთ. (იხილეთ სურათი 8. გვერდი მეორე).

მოაგარაკეთა კეთილდღეობა სხვა მხრივაც უზრუნველ ყოფილია ადგილობრივ თვითმართველობის მიერ. აქაურ საყასპოებს მეტოქეობის გაწვევად შეუძლია თითქმის საუკეთესო ქალაქების საყასპოებთან. რის ხორცი გინდათ აქ რომ ვერ იშოვოთ.



სანოვაგე თელავში.

ირემი, შველი, ჯიხვი და სხვა აქ გამოუღვეელი და თავზე საყარია. შინაურ ცხოველებზე ხომ ლაპარაკიც მეტია. თავაზიანობა ყასპებისა პირდაპირ აუწერელი და მომხიბვლელია. (იხილე სურათი 9. გვერდი მეცხრე):

და განა მარტო საყასპოები? თქვენ მიბრძანდით და ნახეთ ბაზარი შინა სანოვაგეთა. რას მოისურვებს ადამიანის განებივრებული ხასიათი, რომ აქ ვერ იშოვოს საზღაპრო დაბალ ფასებში. ჩიტის

რძე, ისიც კი იყიდება ჩარეკობით. აღსანიშნავია, რომ ეს დარგი ვაჭრობა-მრეწველობისა ერთიან დიაცთა ხელშია და ყოველივე საფრთხისაგან დაზღვეული (იხ. სურათი 10, გვერდი 16).

და ყოველივე ამის შემდეგ კიდევ მოუბრუნდება ვისმე პირში ენა, რომ სთქვას: — თელავს პატრონი არა ჰყავს. მის მამინაცვლებს სალათას ძილით სძინავთო. (იხ. სურ. 6, გვ. 16).

ოხკარ ი. შლინგი.



ოკ, შაჰრის მოგონებ...

სანდრო გორელის წერილი ცოლთან, ყვირილის ციხიდან მონაწერი.

(სცენა ქიათურისათვის).

ვეჯან, გენაცვალე კარალინკა სახეში, რასა იქ და როგორა ხარ, კაკ პაყივანში დუშკა! წერილს აქამდისაც მოგწერდი, მაგრამ რაღა მოგწერო გენაცვალე! გამაწყრა თელეთის მადლი, შევეჯექი ვირზე და ეხლა ათასი თავში ქვა ვიხალო რაღა ეშველება საქმეს! არა, ქრისტიანო, რა ეშმაკი შამიჯდა, რა ქრისტე გამიწყრა, რომ საციმბიროთ გავიხადე საქმე! არა, რატომ არ მიხვდა ჩემი გადარდაკებული ბაშკა, რომ ამ ქვეყნათ პატროსანი კაცი არსად არ არის! არა ისე მემამიტათ რომ ვენდე რატომ არ ვიკითხე, თუ ვისთანა მქონდა საქმე! ყველაფერი ჩემი ბრალია, მაგრამ რა ვქნა, მამატყულივს დუშკა, კაცი ტირილით მოვიდა, შამებევწა: „ბავში მიკვდება უჩაიოთ და იქნება სამიოდე გირვანქა შაქარი მიშოვო“. მეც გავბრყვდი, შემეცოდა, მე დავიკვლ და ჩემი ოჯახის შაქარი მივეცი სამი გირვანქა. არა, რა ვიცოდი, თუ ის ურჯულო და სარწმუნოებიდან გადამდგარი პუბლიკაციას დაჭკრავდა და თავრიზელი ვირივით იღრიალებდა! სიკეთის მაგიერათ იმ ჯოჯოხეთის ტარტაროზმა პრისტავთან მიჩვილა. თუ, სანდრო შევერდოვმა სამ აბაზათ მომყიდა გირვანქაო. ქრისტიანო, ის ურწმუნო თითონ თოთხმეტ შაურს მაძლევდა, მაგრამ მე არ ვიკადრე და სამ აბაზათ მივეცი გირვანქა. არა, რა ვიცოდი თუ გულში სხვასა ფიქრობდა ის უმირნო ისა! ადამიანო, გაქირვებულ კაცს უშველე და რას ვიფიქრებდი, თუ ის ფულზე კრინტს დასძრავდა. ამისთანა დროს კაცმსაქონელი იშოვო და ღირებულებზე ილაპარაკოს! არ გახსოვს, ქრისტიანო, იმ დღეს პეტრუშკა რომ ვერ ვიშოვე, გუბელაძეს ამოვატანიე პადვლიდან დამალული და კონაში შაური მივეცი. რა უყოთ მიქირდა და მივეცი. მართლა გუბელიძეც აქ არის ჩემთან გალიაში. ცხრა კაპიკი ლიშნი გამოურთმევი ხახვში იმ საკირეში დასაწვავ „გოგისთვის“ და იმისი პრატაკოლითა ზის საწყალი. არა მინც რა დაუშავეთ იმ პირ ძაღლს რომ ასე დაგვერია ვაჭრებს და აღარ გვზოგავს. კაპიკი ლიშნი რომ გამოართო ხელათ პრატაკოლს შავიყენებს და „ეშმაკის მათს რახში“ ხომ საქვეყნო რაზბონიკათ გამოგიყვანენ რაღა! ვეჯან, გენაცვალე, ეს წერილი ჩუმათ წაი-

კითხე, რომ არავინ გაიგოს, თორემ ხელათ ამბავს მიუტანენ და ის ავაზაკი ვაზეთში გამოგვქიძავს. ეხ, დუშკა, ვიწვი და ვიხრაკები უცეცხლოთ, მაგრამ რა ვქნა, ვილას შეავბრალო თავი! ეს ჩვენი პრისტავიც ხომ უღივტელნი კაცია რაღა! არც ხვეწნა გადის იმასთან, არც ფული და არც არაფერი! არა, ძალიან ჩავვემტერა ვაჭრებს და სრულებით აღარა გვზოგავს. კიდენ ღმერთმა ააშენოს ტიგრან სტეფანის სტეფანოვის ოჯახი. იმას რომ არ გადაეთქვა პრისტავთან და ლოჟნი პაკახანია არ მიეცა, ნამდვილათ ირკურკვი გუბერნიაში მიკრავდა თავს ეს ჩვენი პრისტავი. შენ ხომ იცი რომ ტიგრანა უყურებდა სამ-სამ აბაზში რომ მივეცი გირვანქა, მაგრამ გადათქვა ააშენოს ღმერთმა. არა, მე ისა მკლავს, ადამიანო, რომ ორი თვე ციხეში ვიჯდე და რისთვის! არა, რომელი ყაჩაღი მე ვარ, რომელი ნაბადენია მე გამიკეთებია! მამალმა რომ დიუკივლოს შიშით სული მარცხენა ფეხის ფრჩხილებში მეპარება და მე რა სარაზბონიკო საქმის ჩამდენი კაცი ვარ? არა, ის დაწყველილი დღე მაინც კვიმატი რამ იყო. განა არა მე დილითვე მიხვდები, რომ იმ დღეს მე ხერი არ დამეყრებოდა, მაგრამ რომ არ დაუჯერე ჩემ თავს ვითომ ძალათაც ვხუმრობდი. გახსოვს იმ დღეს ნიკაში რომ ხელი აგკარ და ნეჩინათ ენა დაგაწეწე? მე რე რაღა იმ დღეს დაგაწეწე ჩემ საუბედუროთი შენ რომ ენა არა გტკიებოდა, იქნება რამეს მეტყოდი, დამიშლიდი და ასეთ ნესჩასტიაში არ ჩავკრავდი ორივე ფეხს. ეხ, რა ვქნა დუშკა, გავხდით მთელ ბაზრის სასაცილო და რაღა ეშველება ვაფუქვებულ საქმეს! სხვა თუ ჩემ ამბავს იკითხავ, ვარ რაღა უცეცხლოთ დამწვარ-დახრაკული. ვზივარ ოთხეცდელშუა და დღე და ღამე სულ შტურის ვაინა მაქვს გამართული ბაღლინჯოვებთან. არა, ამ სახედაღლებმა სულ ჩემზე მაიცალეს რაღა! კაცი ვაფშვიკინებული ვარ სამ კაპიკიანი ტარანივით და ეს ურჯულოები პასლენდი სისხლსა მწოვენ რაღა! ვა, შენ გენაცვალე მაგ ფიგურაში არ იდაროდე თუ ჩემი ხათრი გაქვს. მე კი არა გილდი კუბეწი, პაჩტი სოვდაგარი ღიხა ლომამე გადასახლეს ირკურკვი გუბერნიაში და მე რომ ორი თვე ვიჯდე ვირის აბანოში, რა დიდი საქმეა არ შამშნდე და წარბი არ შახარო. იმხიარულე, იცინე და მტერს თვალები დაუყენე. გრამაფონი და არღანი სულ ერთათ აყვირე, რომ ჭერმა უკაცობა არ შაიტყოს.

გორში არავის მისწერო და ისე ვინ რას გაიგებს, რომ სანდრო შავერდოვი სამი გირვანქა შაქრისათვის ტურმაში ზის. შენ თუ არ გაახმაურებ ვერავინ გაიგებს. გამოვალ და ისევ კაცი ვიქნები. შენ ძალიან ასტაროუხათ იყავი გენაცვალე. ღუქანი ეხლა შენ ხელშია და აბა შენ იცი. ტაკციის ნაკლებ მიეცი, ოღონდ ხლაფოთში ნუ გაეხვევი, თორემ შენც აქ ჩამოგარახხახებენ და სავსემ დავიღუპებით. კიდევ კარგი თუ ჩემთან დაგამწყვდიეს. მაგრამ ვაი თუ სხვა კამერაში ჩაგსვან და მე მშიერი კატასავით თვალეები მაქუცტინონ. აბა, შენ იცი და შენმა ქალობამ, როგორც შნოსა და ლაზათს გამოიჩენ, არ იღარდო გენაცვალე რაც იყო, იყო...

ნუ, რა უყოთ სლოფი მოხდა,
მოითმინე გენაცვალე,
ნეჩინათ დახრუკული
შენი სანდრო შაიბრალე.

ვაშკატურად მოიქეცი,
არ გაგიტყდეს, გოგო, გული
თვალი სხვაგან არსად დაგჩხეს,
არ გეგონო დაკარგული.


პისმო პიში საარშიყო
შენ რომ იცი იმისთანა,
რომ დარდები გადიყაროს
და ამიტყდეს გულის ფხანა.

აღრესი არ დაგავიწყდეს,
პრამათ ჩემზე მაიწერე
და პისმაში რაცა გსურდეს
ტოქი-ტოქათ შიგ ჩაწერე.

დაწერევი: ნა ყვირილა,
ნა მი მუე ციხეშია,
ბაღლინჯოების გეროის
გენაცვალე სახეშია.

შაქრისათვის დატყვევებულს,
ჩავდებულ ციხეს ბნელშია,
გადაეცეს ესე პისმა
პრამათ ჩემ სანდროს ხელშია...

გოგია.



მსხვერპლი

საწყალი ვანო! მეცოდება დაუფიწყარი მეგობარი! ჯან-ლონით სავსე ადამიანი იმსხვერპლა მხოლოდ უბრალო გარემოებამ.

ერთ მშვენიერ დღეს ვანო მესტუმრა.— გუგული-ჯან, რას ფიქრობ, ღირს თუ არა ახალი სადგომის მოძებნა და დაქირავება? კაცო, სადღაც „ნახალოვკაში“ გადაკარგული ვარ! სწორეთ მცხვენია! მერე კიდევ ზაფხულია. მგონი ახლა ადვილი საშოვნის იქნება ოთახი შუა ქალაქში. ღვთის წინაშე ჯამაგირს ათ თუმნამდე ვიღებ თვეში და შვიდ-რვა მანეთს გავიმეტებ კარგ, კონტა მოწყობილ ოთახისათვის.

და შე.. მე, გულ ცივმა, ჩემს გულითადს მეგობარს ასეთი სიტყვებით უპასუხე:

— ეძებე, ჩემო კარგო, იქნება მონახო სადმე.

ოხ, რატომ არ გასკდა მიწა და არ ჩამიტანათან ამ სიტყვებისათვის! იმის მაგივრათ, რომ ვანო ჯაჭვებით დამება თავის „ნახალოვკის“ ოთახში და მეც იქვე ყური მეგდო, რათა არ გაემეორებია თავისი სიტყვები, იმის მაგივრად, რომ... რომ... ახ! ღმერთო რა ცოდვა ჩავიდინე! რა სიტყვები უთხარი, ღმერთო ჩემო!.. და ვანო გახარებული დარბოდა თავისი ენერგიული ნაბიჯებით.

სამი დღის შემდეგ შევხვდი მას დიდუბეში. ვეღარ ვიცანი!

მისი მსუქანი ტანი ვენახის ქიგოს დამსგავსებოდა, თვალეებში რაღაც ავადმოყოფური გამომეტყვილება, ენერგია მოღუნებული!

— გამარჯობა, ვანო!

— გუგული, რას მირჩევ, ჰა! რომელი ვიქირავო? ერთი ოთახი საწოლით, მაგიდით, ორი სკამით, ცხელი წყლით, ხუთ თუმნად თვეში, თუ ერთი ოთახი საწოლით, მაგიდით, ერთი სკამით და ცივი წყლით, ოთხ თუმნათ და რვა მანეთად? ჩქარა თორემ, იქნებ ამასაც ვერ მივასწრო.

— დამშვადდი, ვანო-ჯან. წამო ჩამსა, კარგათ ვისაუზნოთ, ძველებურათ ვიქიკიკოთ.

— არა!.. არის კიდევ ორი ოთახი უავგჯოთ და ყველა მოწყობილობით რვა თუმნად თვეში. ვიქირავო თუ არა?.. ოხ!.. მერე რაღა დარჩება ჩემი ჯამაგირიდან? რაღა გაუგზავნო ჩემს საბრალო დედას?.. ჰო, საბურთალოზე კარგი ოთახია სინათლით,

ერთი სკივრით და ორი სკამით ექვსი თუმანის ვიქირავო თუ არა?

— ვანო, დამშვიდდი!

ამაო იყო ჩემი ცდა! ვერ დავამშვიდე ვანო! ვერ დავანებებთ თავი ოთახის ძებნისათვის. ისეთი ადგუნებული სახის გამომეტყველებით გამისხლტა იგი ხელიდან, რომ ვერ გავბედე მისი შეჩერება.

დიდხანს ვუცქირე თუ როგორ გაფაციცებით ათვლიერებდა იგი ფანჯრებს, რათა ეპოვა თეთრი ქაღალდის ნაგლეჯი — ნიშანი სახლის გაქირავებისა.

...მას შეხვედროდა ხუდადოვის ბალის ზემოთ ჩვენი საერთო მეგობარი სოსო. ვანოს ქული საღაც დაეტოვებია, ფეხსაცმელებში თითები გამოვარდნოდა, საყელო და გალსტუხი ხელში ეჭირა და მიექანებოდა.

— ვანო, ვანო!

— ჰა, ოთახი გაქ? ოცი მანეთი, ელექტრონის სინათლით და ნავთის გასათბობით... არა? სოსოს შეეჩერებია იგი, მაგრამ ვანოს ისეთი ენერგიით მოექნია თვისი ჯოხი, რომ სოსო შიშისაგან ორი ადლის მანძილზე გმდამხტარიყო. ვანო კი ფარფატით მისცემოდა ტრიალ მინდვრებს...

...ეგრეთ წოდებულ „ზედა თბილისში“ ფუნქულიორის ახლო, იგი ქვაზე ჩამომჯდარიყო და ცხარე ცრემლით მოსთქვამდა.

— ოთახო, ოთახო, თუმანიანო, სადა ხარ შენ! დამენახვე ჩემო კოპწიაგ!..

...ღამე მახათას გორაზე ეპოვათ ვანო, ხელში ქაღალდის თეთრი ნაგლეჯები ეჭირა თურმე და ყოველ ქვაზე აწებებდა, შემდეგ კი ეკითხებოდა მღუმარე ქვებს.

— რას აფასებ, ძმობილო, ამ შენ თუმნიან ოთახს? რვასა თუ ცხვა თუმანს? წყალ-სადენი გამოყვანილი გაქვს თუ არა?...

...შემდეგ იგი გულ-წასული ენახათ სოლოლაკის გვირაბში.

...წვიმიან ღღეს კვლავ შევხვდი ვანოს. იგი გაუთავებელ ელისაბედის ქუჩაზე მიექანებოდა.

— ვანიკა!

— აა! სანჩო-პანჩო! მიპოვე, გეთაყვა, ჩემო კარგო, ერთი კოპწია ოთახი!

— ვანო, დამშვიდდი! ვერ მიცნობ, კაცო? შენი გუგული ვარ.

— უფალო და მეუფეო, ცხოვრებისა შენისაო,

სულა ქეშმარიტებისაო!.. ყოფნა, არ ყოფნა, რომელი სჯობნის... ხა, ხა, ხა, ხა!

სთქვა ესა და მოჰკურცხლა.

საწყალი ვანო, ქუაზე შეშლილიყო. დავედენე მას წესიერების დამცველი ავტომობილით, მაგრამ ვერ დაეწივნენ. ვანო გერმანელების ახალშენში მიმალულიყო, დიდუბის იქით...

ერთი კვირის შემდეგ გაზეთში შემდეგი ამბავი ამოვიკითხე:

„ქალაქის სასაკლავო ცოტა მღშორებით იპოვეს უცნობის გვამი, შეხედულობით ინტელიგენტია, ძალზე გამხდარი, მის სახეზე ნათლად არის დასახული, რომ რაღაც უბედურება გამოუცდია სიცოცხლეში. მიხეილის სავადმყოფოში გვამის გაქრამ აღმოაჩინა, რომ იგი ათი დღის უქმელ-უსმელი ყოფილა. ეძებენ მის ნათესავებს ან ნაცნობებს.“

უცნობი გვამი ვანოსი გამოდგა. რაც კი რამ ფული მეზადა სულ მის წესიერათ დასაფლავებს მოვანდომე... დიდუბის ეკლესიის გალავანში შესვლისთანავე დაინახავთ მის საფლავს, მარმალლოს ფიცრით დამშვენებულს. ფიცარზე წარწერაა: აქ განისვენებს მსხვერპლი სადგომის ძებნისა ივანე იოსების-ძე სოლომონიძე. დაიბადა 1893 წელს 7 ოქტომბერს, ტრალიკულათ გარდაიცვალა 1916 წელს 15-16-17 ივლისს*). იძინე მეგობარო, საუკუნო იყოს ხსენება შენი.

გუგული.

მეჭიდავენი

(იგავ-არაკი)

ერთხელ, პეტრეს და ივანეს

ქიდაობა განეზრახა.

სურდათ მათი ფეჯაკობა

მთელ ქვეყანას დაენახა.

ხალხს მოუხმეს და დანიშნეს

ღროც, ადგილიც შესაფერი,

ერთი სიტყვით ქიდაობას

აღარ აკლდა არაფერი.

ქიდაობის კანონ-წესი

სხვა და სხვაა და მრავალი,

და იმათაც ხალხს აუწყეს

(მოიხადეს თვისი ვალი),

*) დანამდვილებით ვერ გავიგე მისი გარდაცვალება.

რომ მათ შორის ის იქნება
დაცემული, დაძლეული,
ვინაც ზეცას დაინახავს
ძირს პირადმა წაქცეული;

ესე იგი, ქილაობა
აირჩიეს მათ ფრანგული.

პეტრე არის ღონიერი,
ღონით უნდა გამარჯვება,
ივანეს კი შაგიერად
უფრო ხერხი ემარჯვება,

მაგრამ ჯერ კი არ ვინ იცის,
ვინ ვის დასცემს, ვინ ვის დასლევს,
ზოგს ხერხი სწამს, და ზოგი კი
მნიშვნელობას ღონეს აძლევს.

ჰა, გამოჩნდენ მოედანზე
საქილაოთ მოკაზმული,
(გამოურკვევ მოლოდინით
აუძგერდა ყველას გული),

ჩაურბინეს მსწრაფლ ერთმანეთს,
წაუტაცეს მარდათ ხელი,
ამ დროს უცებ ივანე შორს
გადაუხტა როგორც შველი;

პეტრე ცდილობს ხელში იგდოს,
ღონით მიწას დაანარცხოს,
ივანე კი სხვა ხერხს ხმარობს,
სხვაფერ უნდა დაამარცხოს.

ი. სიხარულიძე.

პეტრის მწუხრი

(წერილი ველისციხიდან)

ჰა, იხსნება დარდანელი?
ბარემ გამომჭერთი ყელი!
დიდი ფულის მოგებასა
ამ სამ თვეში ნაღდათ ველი.
გაიხსნება დარდანელი?
მაშინ შაბ-გოგირდიც მოვა?
და ჩემს ძვირფას ტურფა „იმედს“
დაუდგება ქირთა თოვა!
მაშ იხსნება დარდანელი?
თოდ, რა გინდათ, კობაწ კენა!
მე რომ გლახებს ტყავი ვაძრო,
ეს რათა გშურთ „ახარ“ თქვენა?
გაიხსნება დარდანელი?
ბას ესელ იჩი სატანაემ!
ჯერ მინამდის ჯიბეს ვიტენ,
შემდეგ ვნახოთ, ეტელ ნაემ!
გაიხსნება დარდანელი?
ვერ მოგართვით, სტყუით, სტყუით!
თქვენზე უფრო შორს მჭვრეტია
„ახმახ“ ზურაბ თავის კკუით!

ხვლიკი.

მოჯაჲრის სიმღერა

(ბახმაროს)

პირველად გნახე ბახმაროვ,
ედემო მაღალ მთისაო,
ნაძვებით შემოზღუდულო,
ბაღნარო სამოთხისაო.

ვისაც სისუსტე აწუხებს
შენსკენ იზამენ პირსაო
და შენით განიკურნავენ
სნეულეებას და ქირსაო.

მაგრამ ამოდენ ქებასთან
თანაც ცუდი ზნე გქირსაო,
რისთვისაც ბევრი განიცდის
უზომო გასაქირსაო.

ჯანი რომ მომე ვეფხვისა,
მაღა რომ მომე მგლისაო—
სულ ორ კვირაში შევექამე
სამყოფი მთელი წლისაო!

რით დავაფასო ამაგი
მე ისეთ მასპინძლისაო,
რომელიც ვადამხდელია
უზომო სასყიდლისაო.

სულ აქ გავფანტე ქონება
სოფლისა, ქალაქისაო,
შემომელია ქანქარი,
გამომეცალა ქისაო.

ეგ დარდი შემიმსუბუქოს
ისეთს ვის ვნახავ, ვისაო:
თხოვნით არაფინ მომხედავს,
ძალით— მომტეხენ ცხვირსაო.

მაგრამ, შენ, ჩემო ბახმაროვ,
სამოთხეგ ორი თვისაო,
ათ დღეში ჩემსა ბედაურს
დავადგამ უნაგირსაო.

და თუ მშვიდობით ჩავედი
ჩემს ქვეყანაში—ძირსაო,
ყოველ ზაფხულში გინატრებ,
მაინც არ გეტყვი ძვირსაო.

გურიანთელი.

პახეთისპენ

რაც თელავი არ მენახა
იქნებოდა ხუთი წელი,
წასვლა ბევრჯერ დავაპირე
ვერ იქნა და ვერ წაველი.

და როდესაც ჩემს სამშობლოს
ღმერთმა რკინის გზა აღირსა
წაველ, მაგრამ შენი მტერი, —
მე რომ შევეყარე ქირსა.

ვიძახობდი: რკინის გზითა
წასვლას რაღა შეედრება,
და გზის ფული დილიქნისა
ნახევარიც არ დაჯდება.

ესეც არ ვსთქვათ, დილიქნით
გზას მთელი დღე ვუნდებოდი;
მატარებლით კი ვიფიქრე,
შინ სამ საათს გავჩნდებოდი.

მაგრამ დახე ბედისწერას
გამიცრუვდა იმედები,
რის სიჩქარე, სიიფე,
რას მიედებ-მოედები?

ბილეთისთვის უმეტ-ნაკლოთ
ხუთი მანეთი დამიჯდა,
(დილიქანი როგორც მახსოვს
ოთხზედაც ნაკლები ღირდა).

ამასაც ჯანი გავარდეს!
„პოეზი“ რვაზე გავიდა.
სანამ „იორს“ მივალწვედით
ცხრაშეჯერ პური მომწივდა...

ჩალაუბანს კონდუქტორმა
დაიყვირა: „ზავალიო“,
აიკიდეთ თქვენი ბარგი,
ცოტა გზაა სავალიო...“

მთელი დღისა მოკრუნჩხული
ავდექ ავიშალე წელში,
რაცა მქონდა ავიკიდე,
ზოგიც დავიჭირე ხელში.

თელავის სადგურზე მოველ,
 თელავს ძლივს მოვკარი თვალი,
 ვთქვი: ერი ჰა... თელავამდე
 კიდევ ბევრია სავალი!

მაგრამ ვთქვი, თუ ათ შაურსა
 გამომართმევს „ფაიტონი“,
 ფეხით რილასთვის ვიწვალო,
 წავალ როგორც ვაჟ-ბატონი.

ხუთი მანეთი მომთხოვა!!!
 აღარც ფეხში მქონდა ჯანი,
 მივეცი... ჩვენ რკინის გზას სჯობს
 „ნიკრიკიქას“ დილიყანი.

მეხი.

როკოკო.

ჩ ხ ა რ ი

(გამოცანა)

ჩხარში სამი გვაშია,
 სამი „ბურჯი“ ტიალი,
 სამი დიდი წურბელა
 სოფლის გამატიალი.

და ეს წუწუკი პირები
 ამ უკუღმართ დროშია,
 ჰკბენენ ყველას, ვიდრემდის
 არ ვალუგდო გროშია.

სისხლსა სწოვენ უბედურთ
 და თვითონ სუქდებიან;
 საწყალი ხალხის ზურგზე
 ჰარალესა მღერიათ.

ხილო ერთი მათგანი
 ვით ცნობილი ვეჭილი,
 როგორც მჩხავანა კატა
 გაქნილ-გამოქეჭილი,

მას სოფლის გაქირვება,
 უჩანს ვითა სიმღერა;
 ნაცად კაცს ეახიან,
 ვინაც თვით ხალხს უმტერა...

სოფლისა პარლავენტში
 ჰყეფს ვითარცა ფინია,
 მასაც ნებავეს სხვის ზურგზე
 რომ გამართოს ღზინია!

ზესტაფონში შეჰქმნა მან
 საქმენი საგმირონი,
 შუბლზე მთლად წარისოცა
 ნათელი და მირონი.

მაგრამ დახეთ, დრო მოდის,
 რაც მათ გადაარჯულებს,
 როცა გაუშინჯავენ
 თეთრ კბილებს და შავ გულებს,

და მათზე სამართალი
 გადაიქცევა წყევათ,
 გადიდდება ცოდვები,
 და თავზე დაემსხვრევათ.

დ ე კ ე შ ე ზ ი

ონბოზო. ადგილობრივ სამკითხველოს ინტე-
 ლიგენციამ ბოიკოტი დაარტყა. ამის გამო და თა-
 ნახმად ქართული ანდაზისა: „უპატრონო ეკლესიას;
 ეშმაკები ჰპატრონობენ.“ სამკითხველოს აქაური ბა-
 რიშნები დაეუფლენ.

ძირულა. ძირულის სამკითხველოში ხაზინად-
 რად „სოლომონ ბრძენი“ აღმოჩნდა. როდესაც
 მას ფულების ანგარიში მოსთხოვეს, იძრო ხანჯალი
 და მოინდომა სამკითხველოს გამგის შუაზე გაქრა.

სოფ. აპუარა. ადგილობრივმა საკრიდიტო ბანკ-
 მა უკვე დაგზავნა ყველა ფრონტებზე მძებრები,
 რომელიც ყოფილ საქმის მწარმოებელს ბ-ნ ხარო-
 შვილს ეძებენ.

ფ მ ს ტ ა


ძირულელს. თქვენი ლექსი იმდენათ მოიკოტლებს,
 რომ იმისი ფეხის გამოსწორება ყოველად შეუძლებელია. აგ-
 რეთვე ბრალდებები ბევრია, საბუთები არც ერთი. არ და-
 იბეჭდება.

არმავერი. დროშას. თქვენი გამოკვლევით სიტყვა „არ-
 მა-ვირი“ ორი სიტყვისაგან წარმომდგარა. „არმა“ ყოფილა
 ცოლი და „ვირი“ კი ქმარი. ასე თუ გავყვეით მთელი ქვე-
 ყანა „არმავერი“ იქნება. ყოველ შემთხვევაში თქვენი გა-
 მოკვლევა უტყუარი საბუთია ამგვარი განმარტებისა.

ახალ აგენტს. თქვენ ძლიერ აზვიადებთ თქვენი სოფ-
 ლის მნიშვნელობას. დეპეშები უნდა იყოს მოკლე მკაფიო
 და ქალაღდის ერთ მხარეზე დაწერილი.



სანოვზე თელავში.



„გაგათა“ მოღვაწეობა თელავში.